

Na osnovu člana 257. stav (b) Zakona o privrednim društvima („Službene novine Federacije BiH“, broj:81/15), člana 8. Zakona o ministarskim, vladinim i drugim imenovanjima u Federaciji BiH („Službene novine FBiH“, broj: 34/03), člana 118. stav (1) alineja (b) Statuta Rudnika soli „TUZLA“ d.d. Tuzla broj: 02-01/16- 2958, od 29.08.2016. godine, i Odluke Nadzornog odbora broj: 01-03/22-2435 od 19.05.2022. godine, Nadzorni odbor utvrđuje i raspisuje:

**JAVNI OGLAS**  
za nominiranje kandidata za upražnjenu poziciju  
člana Nadzornog odbora JKP "Pannonica" d.o.o. Tuzla

**Naziv pozicije**

Član Nadzornog odbora JKP "PANNONICA" d.o.o. u Tuzli – iz reda suosnivača Rudnika soli "TUZLA" d.d. Tuzla

**Opis pozicije**

Član Nadzornog odbora obavljat će poslove propisane Statutom JKP "PANNONICA" d.o.o. Tuzla. Konačno imenovano lice ostvarit će naknadu za rad u Nadzornom odboru u skladu sa općim aktima JKP „PANNONICA“ d.o.o. Tuzla. Mandat člana Nadzornog odbora je četiri godine s mogućnošću ponovnog imenovanja.

Kandidat mora ispunjavati slijedeće uslove:

**A. OPĆI**

1. da je državljanin BiH,
2. da je stariji od 18, ali ne stariji od 65 godina na dan imenovanja,
3. da je zdravstveno sposoban za obavljanje poslova na koje se kandiduje,
4. da nije otpušten iz državne službe kao rezultat disciplinske mjere na bilo kom nivou vlasti u BiH, u periodu od tri godine prije dana objave javnog konkursa,
5. da nije osuđivan za krivično djelo ili privredni prijestup, koji predstavlja smetnju za imenovanje na upražnjenu poziciju, u roku od pet godina od dana izdržane, izvršene, zastarjele ili oprostene kazne
6. da mu odlukom suda nije zabranjeno obavljanje aktivnosti za poziciju na koju aplicira,
7. da nije izabrani zvaničnik, nosilac sudske ili izvršne funkcije ili savjetnik u smislu Zakona o sukobu interesa u institucijama vlasti BiH
8. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine).

**B. POSEBNI**

1. VII stepen složenosti zanimanja, VSS, (dokaz: ovjerena kopija diplome)
2. Najmanje 5 godina radnog iskustva nakon sticanja visoke stručne spreme (dokaz: potvrda o radnom iskustvu)
3. Da nije član upravnog, izvršnog ili drugog organa političke stranke (dokaz: ovjerena izjava kandidata),
4. Da nema privatni finansijski interes u privrednom društvu u kojem aplicira i da nema drugih smetnji za imenovanje utvrđeno posebnim propisima (dokaz: ovjerena izjava kandidata)
5. Da nije član upravnog ili nadzornog odbora u više od jednog reguliranog organa (dokaz: ovjerena izjava kandidata).

Kandidat je dužan uz prijavu na javni oglas, koja sadrži kraću biografiju, adresu i kontakt telefon, dostaviti i slijedeću dokumentaciju:

1. uvjerenje o državljanstvu (ne starije od 6 mjeseci),
2. izvod iz matične knjige rođenih (ne starije od 6 mjeseci)
3. diplomu o visokoj stručnoj spremi,
4. uvjerenje o radnom iskustvu,
5. uvjerenje nadležnog MUP-a i uvjerenje nadležnog suda (ne starije od 3 mjeseca)
6. uvjerenje nadležnog organa za kandidate koji su bili zaposleni ili su još uvijek zaposleni u organima državne uprave (tačka A. alineja 4.) (ne starije od 3 mjeseca)
7. ovjerene izjave o ispunjavanju uslova iz tačke A. alineja 6, 7, 8. i tačke B alineja 3, 4. i 5. javnog oglasa).

Dokumenti koji se prilažu uz prijavu na javni oglas moraju biti originalni ili ovjerene fotokopije.

Uvjerenje o zdravstvenoj sposobnosti kandidat je dužan dostaviti tek kada bude konačno imenovan za člana Nadzornog odbora JKP "PANNONICA" d.o.o. Tuzla.

Javni oglas ostaje otvoren 15 dana od dana posljednjeg objavljivanja u dnevnim novinama, odnosno "Službenim novinama FBiH".

Javni oglas će biti objavljen u "Službenim novinama FBiH" i jednim dnevnim novinama.

Neblagovremene i nepotpune prijave neće biti razmatrane.

Prijavu sa traženim dokumentima treba dostaviti lično ili poštom preporučeno na adresu:

Rudnik soli "TUZLA" d.d. Tuzla  
Tušanj 66, 75000 Tuzla

Na koverti naznačiti «Prijava na Javni oglas za nominiranje kandidata  
za upražnjenu poziciju člana nadzornog odbora –ne otvarati»

Predsjednik Nadzornog odbora  
Emir Hadžimešić, dipl.pravnik



**JAVNI OGLAS**  
**O NAMJERI PRODAJE NEKRETNINE**

**I PREDMET JAVNOG OGLASA**

Predmet oglasa je nekretnina u vlasništvu RAIFFEISEN BANK DD BOSNA I HERCEGOVINA:

- na području općine ližđa, naselje Hrasnica, Industrijska zona Famos. Nekretnina ima osiguran pristupni put, a radi se o samostalnom objektu čvrste gradnje spratnosti Pr+Spr+Pot.
- nekretnina je izgrađena 2007/08. godine, namjena objekta je proizvodnog karaktera djelatnosti štamparije sa pratećim kancelarijskim, sanitarnim i skladišnim prostorima.
- Nekretnina je upisana u z.k. ul. Općinskog suda u Sarajevu br. 198 k.o SP Hrasnica k.č. 373/4 ukupne površine 824,00 m<sup>2</sup>, a koja je pretvorena u etažno vlasništvo koje se sastoji od etaže prizemlja, etaže i sprata, etaže potkrovlja i zajedničkih prostora u prizemlju, I-spratu i potkrovlju, a etažni ulošci su 7305 k.o. SP Hrasnica površine 646 m<sup>2</sup>, 7306 k.o. SP Hrasnica površine 676 m<sup>2</sup>, 7307 k.o. SP Hrasnica površine 648 m<sup>2</sup> i 7308 k.o. SP Hrasnica površine 80m<sup>2</sup>.

**II NAČIN PRODAJE**

Prodaja nekretnine se vrši putem prikupljanja zatvorenih pisanih ponuda, po principu viđenog stanja, odnosno videno-kupljeno, što podrazumjeva da naknadne reklamacije i prigovori u vezi sa eventualnim materijalnim nedostacima su isključeni.

**III UVID U STANJE NEKRETNINE**

Uvid u stanje nekretnine koji je predmet javne prodaje se može izvršiti uz prethodnu najavu na broj : +387 (0) 33 287 385 ili 387 (0) 33 287 761, kontakt osoba: Elvir Čobo, Menadžer za upravljanje imovinom.

**IV SADRŽAJ I DOSTAVLJANJE PONUDE**

Ponuda treba da bude dostavljena u pismenoj formi i obavezno treba sadržavati minimalno slijedeće elemente:

Ukoliko je ponuđač pravno lice:

- Naziv i sjedište ponuđača, ID broj/JIB, kontakt telefon uz navođenje kontakt osobe, e-mail, iznos kupoprodajne cijene koja se nudi koja (mora biti izražena u KM, te napisana slovima i brojevima), potpis i pečat ovlaštenog lica.

Ukoliko je ponuđač fizičko lice:

- Ime i prezime ponuđača i adresa prebivališta, JMBG, kontakt telefon, e-mail, iznos kupoprodajne cijene koja se nudi koja (mora biti izražena u KM, te napisana slovima i brojevima), potpis ponuđača.

Uz pismenu ponudu se dostavljaju slijedeći dokumenti i podaci ukoliko je ponuđač pravno lice:

- Ovjerena kopija rješenja o upisu u sudski registar ili izvoda iz sudskog registra. Rješenje o upisu u sudski registar ili izvod iz sudskog registra ne smije biti starije od 2 mjeseca.
- Dokumentacija koja potvrđuje izvor sredstava iz kojih se namjerava finansirati kupovina nekretnine (vlastita sredstva ili kreditiranje). Ukoliko se radi o vlastitim sredstvima potrebno je dostaviti potvrdu o stanju računa banke kod koje se nalazi navedeni iznos, te kopiju ovjerenih finansijskih izvještaja za 2021. godinu. Ukoliko se radi o kreditiranim sredstvima, potrebno je dostaviti ovjerenju izjavu da će sredstva biti pribavljena putem kreditiranja, u kojem slučaju Banka zadržava pravo da ukoliko do istog ne dođe odbije ponudu za kupovinu nekretnine.

Uz pismenu ponudu se dostavljaju slijedeći dokumenti i podaci ukoliko je ponuđač pravno lice:

- Ovjerena fotokopija lične karte, ne starija od 2 mjeseca
- Dokumentacija koja potvrđuje izvor sredstava iz kojih se namjerava finansirati kupovina nekretnine (vlastita sredstva ili kreditiranje). Ukoliko se radi o vlastitim sredstvima potrebno je dostaviti potvrdu o stanju računa banke kod koje se nalazi navedeni iznos uz dostavljanje dokaza o porijeklu navedenog novca. Ukoliko se radi o kreditiranim sredstvima, potrebno je dostaviti ovjerenju izjavu da će sredstva biti pribavljena putem kreditiranja, u kojem slučaju Banka zadržava pravo da ukoliko do istog ne dođe odbije ponudu za kupovinu nekretnine.

Ponuda se dostavlja u zatvorenoj koverti putem pošte ili direktno na protokol Banke, na adresu RAIFFEISEN BANK DD BOSNA I HERCEGOVINA, Zmaja od Bosne b.b. Sarajevo, sa naznakom:

**"NE OTVARAJ - Ponuda za javni oglas o namjeri prodaje nekretnine objavljen 27.05.2022. godine"**

Paralelno sa slanjem zatvorene ponude na naprijed navedeni način, ponuđači su obavezni svoju namjeru iskazati i putem web platforme PROEBIZ, odnosno pristupom, registracijom i slanjem ponude putem linka:

[https://rbhb.proebiz.com/formulare/zadost.php?id\\_aucke=17](https://rbhb.proebiz.com/formulare/zadost.php?id_aucke=17)

ili skeniranjem QR koda:



Rok za dostavljanje ponuda za kupovinu nekretnine u vlasništvu Banke je najkasnije **do 10.07.2022. godine**. Svaka ponuda koja ne bude dostavljena u cjelosti u skladu sa naprijed navedenim uslovima iz ovog javnog oglasa, smatrat će se nepotpunom i neće se razmatrati.

**V POSTUPAK PRODAJE**

Nakon otvaranja blagovremeno pristiglih ponuda, Banka utvrđuje listu najpovoljnijih ponuđača. Samo najpovoljniji kupac/i po Banku će biti kontaktirani od strane Banke za provedbu daljih aktivnosti po pitanju zaključenja kupoprodaje.

**VI OBAVEZE KUPCA**

Porez na promet nekretnina kao i ostale troškove nastale pri eventualnom prenosu prava vlasništva sa Banke na kupca, snosi kupac.

**VII ODRICANJE OD ODGOVORNOSTI**

Banka zadržava pravo prihvatiti u potpunosti ili djelimično ponudu, odbiti ponudu, poništiti javni oglas o namjeri prodaje nekretnine ili odgoditi sve ponude u bilo koje vrijeme prije skapanja ugovora o kupoprodaji i pri tome ne snosi nikakvu odgovornost prema ponuđačima, niti je u obavezi objasniti razloge takve odluke.

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINSKI SUD U ZENICI**

Broj:43 0 Mals 199125 21 Kom  
Zenica, 18.05.2022.. godine

Općinski sud u Zenici, stručni saradnik Amer Krdalić, u pravnoj stvari tužitelja „Alba Zenica“ d.o.o. Sarajevska 72, Zenica, protiv tuženog Hamzić Nadin, vl. Caffè bar „Pub troll“ Zenica, Bulevar Kulina bana bb, Zenica, radi duga, v.s. 514,58 KM, na temelju člana 348. stav 3. Zakona o parničnom postupku, objavljuje :

**O G L A S**

**TUŽBU NA ODGOVOR**

Obavezuje se tuženi Hamzić Nadin, vl. Caffè bar „Pub troll“ Zenica, Bulevar Kulina bana bb, isplati dug u iznosu od 514,58 KM, zajedno sa zakonskim zateznim kamatama kako slijedi :

- na iznos od 46,78 KM, počev od 08.10.2019. godine do dana plaćanja,
  - na iznos od 46,78 KM, počev od 08.11.2019. godine do dana plaćanja,
  - na iznos od 46,78 KM, počev od 08.12.2019. godine do dana plaćanja,
  - na iznos od 46,78 KM, počev od 08.01.2020. godine do dana plaćanja,
  - na iznos od 46,78 KM, počev od 08.02.2020. godine do dana plaćanja,
  - na iznos od 46,78 KM, počev od 08.03.2020. godine do dana plaćanja,
  - na iznos od 46,78 KM, počev od 08.04.2020. godine do dana plaćanja,
  - na iznos od 46,78 KM, počev od 08.05.2020. godine do dana plaćanja,
  - na iznos od 46,78 KM, počev od 08.06.2020. godine do dana plaćanja,
  - na iznos od 46,78 KM, počev od 08.07.2020. godine do dana plaćanja,
  - na iznos od 46,78 KM, počev od 08.08.2020. godine do dana plaćanja,
- kao i troškove da tužiocu naknadi troškove predmetnog postupka, sve u roku od 15 dana od dana donošenja Presude.

Ukoliko tuženi ne dostave pismeni odgovor na tužbu u zakonom predviđenom roku, predlažemo da sud shodno odredbi čl. 182.Zakona o parničnom postupku, donese presudu zbog propuštanja.

Tuženi se obavještava da može izvršiti uvid u predmetnu tužbu tužitelja, kao i u kompletan spis Općinskog suda u Zenici broj: 43 0 Mals 199125 21 Kom.

Stručni saradnik  
s.r. Amer Krdalić

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINSKI SUD U ZENICI**

Broj: 43 0 Mal 186812 20 Kom  
Zenica, 18.05.2022. godine

Općinski sud u Zenici, sudija Dunja Rojević, u pravnoj stvari tužitelja DD IZGRADNJA INŽINJERING, Štrosmajerova broj 11, Zenica, protiv tuženog Hodžić Nermin, Travnička cesta broj 36, Zenica, radi duga, v.s. 314,60 KM, na osnovu člana 348. stav 3. Zakona o parničnom postupku, objavljuje

**O G L A S**

Tuženom Hodžić Nerminu, Travnička cesta broj 36, Zenica, dostavlja se na odgovor tužba podnesena ovom sudu dana 28.07.2020. godine kojom tužitelj, na ime duga, potražuje iznos od 314,60 KM, sa zakonskom zateznom kamatom počev od dana podnošenja tužbe, pa do isplate, kao i naknadu troškova postupka, a sve u roku od 15 dana.

Ovim putem tuženom se dostavlja tužba na odgovor u smislu čl. 62. stav 2. Zakona o parničnom postupku i tuženi je dužan dostaviti u pismenoj formi odgovor na tužbu u smislu člana 71. Zakona o parničnom postupku, u roku od 30 dana od dana prijema tužbe. Nakon objave tužbe i tužbenog zahtjeva, obzirom da je predložena presuda zbog propuštanja, sud će, ukoliko izostane dostava odgovora na tužbu, donijeti presudu zbog propuštanja koju će objaviti u dnevnim novinama.

Po proteku roka od 15 dana od dana objave ovog oglasa u Dnevnom avazu, smatraće se da je tuženom dostavljena tužba na odgovor.

Tuženi se obavještava da može izvršiti uvid u predmetnu tužbu tužitelja, kao i u kompletan spis broj: 43 0 Mal 186812 20 Kom, u pisarni Općinskog suda u Zenici.

Sudija  
s.r. Dunja Rojević